



BANDO DA ALCALDIA

SOBRE A ELIMINACIÓN DE PRANTAS INVASORAS

JULIO SACRISTÁN DE DIEGO, ALCALDE-PRESIDENTE DO CONCELLO DE CULLEREDO

LEMBRA a todos os veciños e veciñas do termino municipal a obriga de cumprir o previsto na *Ordenanza municipal reguladora de limpeza de terreos, distancias de plantacións e xestión da biomasa forestal do Concello de Culleredo (BOP nº188 de 2 de outubro de 2014)*, que no seu artigo 5 establece " *Os propietarios e/ou arrendadores de fincas incluídas en solo urbano, urbanizable ou de núcleo rural, teñen a obriga de mantelas limpas e desbrozadas de todo tipo de vexetación e nas debidas condicións de seguridade, salubridade, debendo proceder á súa desinfección e desratización periódica*".

Dentro destas tarefas de limpeza inclúense tamén os traballos de eliminación de especies vexetais, que poidan dificultar as tarefas de limpeza de gabias e adecentamento das vías públicas, singularmente a eliminación da *Cortaderia selloana* coñecida como herba da pampa ou plumachos, xa que na labor de limpeza pública os operarios vense obrigados a arrincalas de raíz e a execución desta tarefa é complexa pola dificultade de aplicar as máquinas sobre desas raíces. Por riba, a semente desta pranta desprazase, doadamente pola acción do vento, a longas distancias, fóra do seu hábitat natural, colonizando todo ao seu paso con facilidade. A proliferación desta pranta non autóctona supón un risco grave para a flora nativa, polo que debe ser eliminada. Arguméntanse outras razóns como poder ser que son prantas que poden acadar a altura de ata dous metros e cando se secan son altamente inflamables, o que supón un alto risco de incendio.

O incumprimento da tarefa de eliminación das fincas particulares da pranta antedita dará lugar a emisión de ordes de execución con mandamento de saneamento da parcela, que de ser desatendido habilitará á utilización de calquera medio de execución forzosa legalmente admitido, en virtude das previsións dos artigos 135 e 136 da Lei 2/2016 do 10 de febreiro do solo de Galicia. En consecuencia, tendo presente a existencia de moitas fincas e solares na que actualmente brotou e se atopan prantas da *Cortaderia selloana*, e xustificando o risco medioambiental para as especies propias e o potencial risco de incendio que se deriva desta situación.

LEMBRASE a todos os propietarios de fincas e solares no termo municipal de Culleredo, que **deben proceder ao corte das prantas de *Cortaderia selloana***, existentes nas devanditas fincas e solares, expoñéndose no caso de non facelo a ser requiridos polo Concello para elo, e no seu caso obrigados a través do procedemento de execución forzosa dos actos administrativos que corresponda.

O que se fai público para o seu coñecemento e debido cumprimento.

Culleredo, 5 de xuño de 2017

O Alcalde
Asdo/ Julio Sacristán de Diego